



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

<< 22 >> հուլիս 2019թ.

Ո Ր Ո Շ ՈՒ Մ №. 438 /01-Ա

Չկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով Ա/Ձ Սուրեն Գասպարյանի վերաբերյալ վարչական վարույթի նյութերը

Պ Ա Ր Ձ Ե Ց Ի

Համաձայն հարկային մարմնում առկա անձնական հաշվի քարտի տվյալների Ա/Ձ Սուրեն Գասպարյանի (ՀՎՀՀ 35083939, հասցե՝ ք. Երևան Այգաբաց 1 շարք 8, պետ. գրանցման համարը՝ 269.06884) չկատարված հարկային պարտավորությունը <15> մարտի 2019թ.-ի դրությամբ կազմել է 937.718 դրամ, որից ապառք՝ 543.537 դրամ, տույժ՝ 289.181 դրամ, տուգանք՝ 105.000 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին <15> մարտի 2019թ.-ին հարկ վճարողը ՀՀ ինտերնետով ծանուցման պաշտոնական կայքում տեղադրելու միջոցով ծանուցվել է, չի ներկայացել վարույթի նյութերին ծանոթանալու համար և որևէ բացատրություն չի տվել:

Վերոնշյալ պարտավորություններից 133.889 դրամը, որից եկամտային հարկի գծով 28.889 դրամ (ապառք՝ 28.400 դրամ, տույժ՝ 489 դրամ, առաջացել են 2019 թ-ի հունվար ամսվա եկամտային հարկի հաշվարկից և ՀՀ հարկային օրենսգրքի 401-րդ հոդվածով հաշվարկված տույժերից), իսկ տուգանքներ և վնասի հատուցման գումարը 105.000 դրամ (առաջացել է 18.06.2018թ-ի թիվ 4102319 ստուգման ակտից), չեն ներառվում սույն գանձման որոշման մեջ:

ՀՀ ՊԵԿ իրավաբանական վարչության պետի կողմից 15.02.2019 թվականին կայացվել է թիվ 3706-1-Ա որոշումը, համաձայն որի հարկ վճարողի կողմից վճարման ենթակա պարտավորության գումարը կազմում է 121.529 դրամ, որի մեջ ներառված է.

Եկամտային հարկի ապառք՝ 85.200 դրամ, տույժ՝ 5.387 դրամ

Շրջանառության հարկի ապառք՝ 29.760 դրամ, տույժ՝ 1.182 դրամ:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է 682.300 դրամ, որից.

Ներմուծման մասով ավելացված արժեքի հարկի (ԵՏՄ) գծով պարտավորությունը կազմում է 37.887 դրամ, որից ապառք՝ 32.796 դրամ, տույժ՝ 5.091 դրամ, որն առաջացել է 2018թ-ի հուլիս ամսվա

ներմուծման հարկային հայտարարագրից և ՀՀ հարկային օրենսգրքի 401-րդ հոդվածով հաշվարկված տույժերից,

Եկամտային հարկի գծով պարտավորությունը կազմում է **524.830** դրամ, որից ապառք՝ 287.903 դրամ, տույժ՝ 236.927 դրամ, որն առաջացել է 2017թ-ի նոյեմբեր-դեկտեմբեր ամիսների եկամտային հարկի գումարներից, 2017թ-ի նոյեմբեր-դեկտեմբեր ամիսների, 2018թ-ի հունվար-սեպտեմբեր ամիսների եկամտային հարկի և սոցիալական վճարի ամսեկան ամփոփ հաշվարկներից, դրանց նկատմամբ իրավահարաբերության ծագման պահին գործող ՀՀ արկերի մասին> ՀՀ օրենքի 23-րդ և ՀՀ հարկային օրենսգրքի 401-րդ հոդվածով հաշվարկված տույժերից

Շրջանառության հարկի գծով պարտավորությունը կազմում է **119.583** դրամ, որից ապառք՝ 79.478 դրամ, տույժ՝ 40.105 դրամ, որն առաջացել է 2017թ-ի 3-րդ, 4-րդ, 2018թ-ի 1-ին, 2-րդ, 3-րդ եռամսյակների շրջանառության հարկի հաշվարկներից, դրանց նկատմամբ իրավահարաբերության ծագման պահին գործող ՀՀ արկերի մասին> ՀՀ օրենքի 23-րդ և ՀՀ հարկային օրենսգրքի 401-րդ հոդվածով հաշվարկված տույժերից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն ՀՀ Հայաստանի Հանրապետության 2018 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման:**

Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ Հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, ՀՀ Հարկային ծառայության մասին>> ՀՀ օրենքի 4-րդ հոդվածի 9-րդ մասով և ՀՀ Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. Ա/Ձ Սուրեն Գասպարյանից գանձել **682.300** դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ Հ/Կ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:

4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

**ԻՐԱՎԱՔԱՆԱԿԱՆ
ՎԱՐՉՈՒԹՅԱՆ ՊԵՏ**



Ա. ՄԱՅԱԿԱՆՅԱՆ

Ստացա որոշման օրինակը

Նոտրագրություն

հարկ վճարողի /կամ ֆիզ. Անձի/ պաշտ. Անձի անուն ազգանուն

ամսաթիվ

Կատարող՝ ԻՎ ՀԳ բաժին, գլխավոր մասնագետ
Լամարա Նիկողոսյան Հեռ. 011549191 /9165/